

高

陽

集

高陽詩集卷之四

高陽孫承宗稚繩著

門人茅元儀止生較

五言排律

夏日書隘園

題園曰隘取齊大夫之湫隘也高死令  
爲此園而官于齊特以齊大夫之儉訓  
之而園又實隘若管夷吾之噐隘不取  
也詩寫其隘

三畝城坳下層樓俯碧濤孤亭依近堞高樹瞰  
遙岑籬壁黃金雀簷楹白玉簪無將宥楮意錯  
謔植槐心消恨枝偏長忘憂草自侵雲來散木  
膩鳥嚮夜棠沈有美幽蘭秀傳香叢桂參文官  
紛鴈綴帝女罷鵲喙白粉鋪榆莢黑甜臥柳陰  
蒼松隨附蒿丹柰耀來禽拾紫鷄冠重采藍羊  
角森蒲公英穎茂安石榴房深傾葉忠爲向食  
紅孝好音行歌霞纂纂歸騎綠駮駮布彩輶川  
館開柴箭谷林楊花風點絮薇雨露穿鍼枳棘

誰堪咏葡萄酒未斟大椿年幾筭小栢氣千尋  
鵲避懷中鷓鴣鳴指上棄雙飛旋振羽百舌喜  
成瘖一樾誰清磬千家惡暮礎閉門身似繭翻  
字意如蟬世駭鳩鷓語人寧絡緯紅花香貧可  
斷風竅病同吟井落梧桐月墻開薜荔襟水行  
苑葉渡日翳麥秋零倚幌延西爽疎簾過晚霖  
蓬蒿沒詔逕濠濮見蹄涔語客稱高死懷人半  
不禁

同夏三之日書于隘園之談經處

### 隘園鵲

園固隘乃容鵲百千蓬蓬下上若相呼  
而就食而避所嚇也聲喧境靜日任啁  
晰然有時而地集于苑而風竅通鳴尚  
勝一部官蛙也詩以紀之

雙雙書案下高集孟城坳鷄嚇深藏樹鳩馴遠  
讓巢引鵲花底散結伴雨中啁過堞車喧食巡  
簷燕對拋風翻和鐵扇日落襟笙策莫使歌無  
角一穿杜屋茅

謙美堂譙老友以兒子輩七人詩寄高苑

令銓

爾能嚴世學予敢忘君恩家室饑寒色廳堂水  
壁心合來爲草具聊以譙同襟豈爲美堪食應  
緣清可斟無將惠養意不念膏脂吟

失題

帝心開世業雷首發天祥珮攬芙蓉秀垣飛薜  
荔香允文驚霧豹人瑞見星凰鍛羽馴龍性探  
梅柱石腸黃河清比笑白雪調如芳閭左標通  
德人羣畏彥方斷金無短薄結襪有髯張橫臥

憐油素天遊失罌莊束紳來上國伏軫問禹強

壯擊鐵如意俠函金錯囊一經饒綠鬢萬石寄

青箱不盡屠龍技猶餘繡虎章鳳毛俱五彩馬

史獨三長蘭畹荃同發鴻飛鴈赴行文心初漱

潤筆綵竟回狂堦樹聯羣從庭柳見二即恩波

淡少海綸命錫高堂共曳星辰履同依日月光

綵衣人競羨銀詔世全昌燭耀千金劍編爛九

醞觴昂霄瞻國器奮翼空羣良道大寧車舞色

鋤識德將醇能傳教馬慳更切循墻雍伯原高

誼徐公自有長多君私雨露文字挾風霜聊以  
皇華荷同聲賦未央

孫男之澇編次

卷之四

高陽詩集卷之五

高陽

孫承宗

雅

吳橋

范景文

雅

七言律詩

落花

上下平三十韻有序

先臧方喜爲詩文又嘗課予爲詩故諸兒皆學先臧方爲詩予未嘗課兒爲詩也偶涉丹青白園感二柰之成陰傷榮華之既謝方擬爲詩見兒輩案頭詩詠落花也一一比之銓欲

沉欲雅鈔欲雄欲邁鏃欲滿欲麗鈔欲圓欲  
俊鎗欲軒豁綸欲柔清似各有先職方之一  
體而未成也遂援筆爲春懷感落花三十絕  
因念花之落有情有態有聲有色有香有影  
有陣有韻有味有景又有飛有沉有聚有散  
有去有來其上乘之有風有雨有日有月其  
下乘之爲水爲泥爲裊爲逕有林有橋有洲  
有舫有杯而中賞之有詩乃以三十字倚三  
十韻爲三十詩蓋兒輩啓予爲詩予未嘗諳

兒爲詩也獨不得起先穢方一課之耳既念  
世務紛紜予固食人之食而問爲流連光景  
之詞予過矣因彙付兒輩以識予過若曰侈  
咏芝蘭而効迴風半面金谷漢臯北宋家兄  
弟則何改

一笑春殘錦繡中那堪風雨更西東集來枯苑  
渾無定說到繁華半已空羞向碧霄翻紫燕忍  
同芳草襯青驄依依自帶愁千種不爲飄零戀  
故叢

其二

雨積花深深幾重朝曦初見覺丰茸溫柔欲褪  
風猶軟清潤纔回露正濃肯以依人添娥媚却  
緣絕世覺從容低徊自解黃鸝語似說嬌芳未  
易逢

其三

誰將錦繖建花幢開道胭脂山已降瑟瑟春蠶  
驚飼葉珊珊交珮失寒江天飛未許泥沾絮風  
約依微雪打牕几上楸枰江上雨合來清響翻

銀缸

其四

三月輕紅帶燕泥  
風裾不擬倩人持  
愁來泣雨偏宜粉  
恨逐行雲別有姿  
淡掃近前承主澤  
半粧誤下妬蛾眉  
須知春老羞繁艷  
莫遣狂蜂舞舊枝

其五

非烟非霧暮輕緋  
怨逐東風散落暉  
屐跡印泥紅片片  
桂熏搖珮暖霏霏  
夢回爐篆雲和雨  
魂

白雲詞話 卷之三  
巡檀霞是與非却笑樓空新燕子鏤金猶上畫  
羅衣

其六

泠泠風馭擁清裾誰寫花神下碧除祗爲浮雲  
迷舊跡翻憐明月見真如無言粼逕虛疑蝶取  
意窺波靜趁魚漫道飄零先得地小廳凌亂更  
愁余

其七

排來艷質傾城國練就宮娃鬪畫圖着雨低個

還似怯凌風上下未全輪金鈴響斷降詩敵  
披搗殘破酒胡韃恁飄捩春尚在昔隨春燕掠  
平蕪

其八

軟芳誰托任東西繡隊翩翾耿畫閨笛裏落梅  
風細細天涯芳草雨萋萋亂雲度月簾櫳靜碎  
錦飄香蛟蝶迷欲擬風流誰得似雙柑斗酒聽  
黃鸝

其九

春鏡紅英滿綠階興平剪不盡春懷拾來水面  
清逾絕看比枝頭與更佳一片夕陽迎雉浦半  
帆明月下吳娃箇中空色真三昧不道春殘處  
處蛙

其十

南園幾日報花開誰道輕芳撲面來深樹亂霞  
先得句小牕微霰一銜杯歌清古錦胭脂暖舞  
旋研光錦繡堆不是午橋春富貴蒲簾白雨任  
徘徊

其十一

花開曾趁東風力便逐東風亂趁人栩栩漆園  
蝴蝶夢行行巫峽雨雲身回看自覺青山隔直  
上偏憐碧落親莫以遊絲牽別緒一行白鷺正  
裝春

其十二

三逕迷茫半未分紅紅白白總成文蓮花欲步  
停金縷珊瑚佩其來遲裙袂頰尾吞霞捶弱藻馬  
踏踏月避殘芬曇華不布給園地當眼何緣有

雙雲

其十三

一夜東風花滿園何來風約更花繁  
笛中楊柳同搖落檻外莓苔鬪雨痕  
池陂半灣明繡水霞開三界擁江村  
楊家秦豔休相妬不掃蛾眉向至尊

其十四

花信催春春欲闌風回紫閣見流丹  
雲來踽踽渾成怨日下紛紛半未殘  
不與流鶯作護衛却

隨飛絮共瀰漫  
白憐弱質從飄泊  
莫是東皇借  
羽翰

其十五

宛虹亭下舞嫋嫋  
惜別無心學小蠻  
漫摘蜂鬚  
搵雨瑯直從燕尾  
認雲鬟  
裙風欲挽嬌  
無語珠  
月纔逢  
鷺可攀  
樹繞南枝  
憐倦鳥  
影銷芳草  
怨  
離顏

其十六

香風一簇擁羣仙  
艷態迎春欲近前  
去去應知

仍念舊依依端不爲爭妍窺簾草色珊珊瓊繞  
砌苔痕步步蓮明月淡雲如有約休言辜負養  
花天

其十七

何處玉樓吹玉簫帶來花信雨瀟瀟楚臺襟快  
雌雄冷漠殿裾持姊妹嬌飄泊幾看隨意住虛  
徐初定向人騎東南不必關開謝况是妖紅歌  
鳳么

其十八

花雨春深走膩條，催可欲就帶花敲。洗粧粉黛  
渾狼藉，泣月紅輕有小。也鶯燕銜春來錦水蛟。  
螭舞雪上霞旂，似緣錯着東風恨。却向東風一  
解嘲。

其十九

日上繁花開錦步，花翻晴日漾林臯。曆餘微暈  
羞樊素，箋映輕紅有薛濤。江浦搖光仙佩下，昭  
陽度影暮鴉高。六螭自是催桑野，錯認風輪似  
剪刀。

其二十

一夕林花怨孟婆紛紛紅紫弄纖阿嬌依龍鏡  
穿粧閣淡學蛾眉眺影娥綺席艷移光皎皎霓  
裳清映舞僂僂嬋娟自耐清虛冷也向闌扶照  
錦窩

其二十一

池塘不分生春草又逐東風細着花帶縵  
翻藻荇脂香曳日倒雲霞蓉江多麗偏成錦  
澗無人自浣紗應是品高花史上飄零終不

泥沙

其二十二

故園一別應成恨况是泥塗不自傷錦障霞濺  
輿亦惜新巢紅墜燕初忙馬嵬露浥芳塵濕青  
塚沙飛夜雨長可惜道衡堪妬處空梁不說落  
紅香

其二十三

許家學士風流盡邀月坐花一放觥便與遊人  
眠仔細不妨醉客吐縱橫幾經枕簟香猶在纔

委衣裳骨已清風起倚欄偷學舞錦羅臉上二  
花明

其二十四

花神解佩下林垌似恠蓬蒿當逕青紅入夕陽  
麟去騎白來明月上中庭襪波錦浪行雲識金  
步蓮香叟履聽應是求羊春醉裏惜它輕艷不  
曾經

其二十五

華芳三月氣如蒸春試中林花幾層  
嫩枝頭

鶯語細繁紅樹底  
一華疑樓高金谷  
遙徵伎  
結祇佗獨傍僧  
莫問年來流落意  
一人相見亦  
何曾

其二十六

小橋不共野雲流  
杜曲繁花曲水頭  
銀漢落霞  
疑過雨  
宛虹飛  
綵正當眸  
龍蟠眉目橫  
華表鏡  
破烟鬟  
接素湫  
莫倚天津歌  
翠輦宮鶯啼  
老上  
陽秋

其二十七

黃鶯晚樹啼春深花破西洲滿碧潯四照魚龍  
窺綵袖三山麟鳳下瑤林烟霞自帶白蘋色錦  
浪猶生鷄鵝心倚釣不堪成落莫環流芳杜可  
誰尋

其二十八

春來花選擬三三選盡花舟到碧潭一葉凌波  
風正細蕩紅搖漾雨如麈奪標自喜龍文麗載  
酒人憐國色甜却惟鴟夷東去後司花空說態  
成慙

其二十九

花邊斗酒醉厭厭花影繽紛度畫帘點去芳酥  
情脉脉紫來紅袖玉纖纖香分瓊樹鷓鴣暖色  
借蘭生琥珀黏解道春襟銷不盡何妨索笑倚  
虛檐

其三十

筆花搖綵點春衫幾度詩成手自芟  
嚼盡繁華  
鶯嘶豔語殘輕豔燕呢喃曉鐘未到春猶在好  
景纔臨句已函莫把流連供底事  
疎松甫栢有

甚艷

續落花

三十首用沈石田原韵

曾向貞元占早春，  
天香十里未全貧。  
飛揚恰應風雲會，  
飄落還窺天地仁。  
却月有粧調翠額，  
流鶯無語帶花神。  
不知醉舞層裯客，  
可是前村問酒人。

其二

東風開遍晚悠悠，  
萬草千花江上頭。  
弄色深紅還嫩紫，  
成陰肥綠更風流。  
香飄錦幄雲鋪地，  
軟

拂珠簾月上鉤自是武陵春薄倖不關韓令總  
成愁

其三

一片香風破錦堆聲城羯鼓玉山頽羞隨飛絮  
狂依袂肯倚虛檐亂點杯却惟綠陰偏自護其  
如白髮遞相催明年春信知無賴萬紫千紅次  
第開

其四

花時同作看花遊一片花飛覺更愁紅擬玉環

無樂府香回金谷有危樓似憐醉客僿僿舞不  
戀南枝故故留却恨司花渾未解錯將芳艷破  
糟丘

其五

擬摘林花紀勝遊那知花畔繞天愁有情鯁缺  
嬌還語無力瓊瑜舞且休脉脉春泉逐遠興冥  
冥芳樹攪離憂蘭舟一繫故園意倚醉漫登江  
上樓

其六

春深落日武陵西來明漁郎路半迷碧唾雨餘  
渾欲點紅冰霞襯未成啼麗娟一曲風迴葉么  
鳳雙垂醉傍娛開落從來識帝力雙柑斗酒正  
堪搦

其七

風香花信幾須更花滿風驕寂若無雲墜玉釵  
旋褪粉影分鸞鏡罷施朱相看嫋嫋渾無語獨  
立嫋嫋自有夫莫措離魂驚歲月等閒朝夕是  
榮枯

其八

春色驚過妖冶時  
鳥翻餘豔護巢兒  
一枝半折還疑笑  
萬點紛披可有私  
靈閣分釵飛玉燕  
浣溪逐水載西施  
苑紅李白渾相鬪  
零落殘英老鬢絲

其九

飄來幾點艷陽中  
總是花朝花信風  
燕尾拖香翻弱羽  
馬蹄着意避殘紅  
漫綠蓓蕾先知色  
肯向離波錯認空  
滿地丹霞收不盡  
朝暾高映海

雲東

其十

仙地曾逢黃道真  
苑源一別漫傷神  
光先映日初成色  
力怯迴風却戒春  
欲向午橋看綠野  
蒼疑三徑惹紅塵  
不知輕雨微雲裏  
羞見繁華有幾人

其十一

幾向含章伴畫看  
研光重舞燕來時  
拂粧欲散龍消粉  
隱几新裁珮冷詩  
霞起赤城日杲杲  
雲

迴丹地雨絲絲樹頭莫恨東風惡一却空華子  
滿枝

其十二

飛霞佩解相鮮新嬌立沉香有步塵開去偶供  
眼底意別來不及卷中人溶溶小院月同夢戀  
戀殘枝蝶繫春省識色空渾不染東風一夜破  
貪真

其十三

鳳臺春老暮雲橫故國飄零燕語輕漠渚尚疑

迷霧瓊珠圓無後譜新名仙飛絳雪留丹竈地  
擁赤霞護錦城千里王孫歸未得懶從芳草憶  
盈盈

其十四

休將春睡誤春晴春盡花殘百感生幾樹白雲  
同自嫩何人青鸞解閒行雨催山帶香隨燕紅  
歛雲掩曉訴鶯眼底舊遊渾落莫花磚猶愧傍  
承明

其十五

萋萋芳草遍開門一夜春消苑李園白雪黃金  
迷舊態青山碧樹有孤村烏同解語還傾國風  
似多情爲逐魂安得元微頃刻手光華都比苑  
中旛

其十六

鶯花三月太匆匆一曲花寒御苑空帶影低徊  
輕着露鬚香綺靡靜含嵐尚餘嫩葉隨萍綠不  
洗鉛華伴酒紅莫恨平泉今落莫新豐樹老月

明中

其十七

玉砌香鋪月有痕  
繁華芳樹幾枝存  
迴波浸酒連魚藻  
夾路和雲籍  
鶴軒似倚長門同  
望幸不知  
執扇罷承恩  
天公未問春消息  
蜂蝶何緣爲斷魂

其十八

九春花擁錦官城  
無奈風簷夜雨聲  
蝴蝶欲隨夕夢亂  
杜鵑先逐旅魂驚  
綺寮香透紅梅歛  
玉笛愁翻月未盈  
漫倚芳辰矜國色  
沉香亭畔幾

餘羸

其十九

韶光初聽曉鶯諤萬紫千紅總一家幾見花鬢  
飛粉絮頓令蓬鬢有霜牽開侵殺齒浮香軟亂  
拂簷牙落影斜却恠東風都不管池塘一部艸  
鳴蛙

其二十

花日詩連不可陪詩成花老紫雲回一隨惡雨  
無心落應恠東風着力催開遍舊枝還自散去

從前度更誰來  
流鶯解訴千般  
在似勸遊人酒  
一杯

其二十一

玄都千樹幾枝全  
一入長林了萬緣  
簾外繁英隨意盡  
苑邊高柳對愁眠  
翻來蘧譜春多少  
醉後湖光酒十千  
老眼驚看風雨夕  
等閒休負月明船

其二十二

綠肥紅瘦總成春  
雨急風駭未可喚  
門掩黃昏

飛燕子窓餘殘月伴幽人  
枝枝故殢看花眼點  
點輕浮漉酒巾却是東風供勝賞  
醉眠猶自有  
香裊

其二十三

爲憐春盡強登臺風到披襟亦快哉  
百舌正隨  
花底靜一枝猶向雨中催  
鶯鶯態嬾金鈴斷少  
女歌殘玉燕來  
莫以江花勞夢寐却嫌門巷有  
勞苔

其二十四

有美熒熒苕之榮燕鶯却恠口舌爭結子兩先  
欲催老倉香風獨爲意傾不堪歌管結綺下猶  
自繁華倚雲生清夢莫化漆園蝶殘枝栩栩空  
復情

其二十五

東風的皜花如快況是朱明火力添流水帶香  
還繞戶夕陽和影故穿簾眉点京兆嬌偏妬雲  
化巫山夢亦恬倚樹不堪春寂寂夜深紅燭爲  
重枯

其二十六

月傍殘枝吐半規  
故人千里憶歸時  
曉鐘未到春猶在  
野草纔芳日欲遲  
鳥啄雲霞還漠漠  
魚翻楊柳故垂垂  
不知管領東風意  
換得春華更對誰

其二十七

飛花片片向春闌  
手摘餘芳試月圓  
三逕有塵苔寂寂  
一樓無雨草漫漫  
宮娃傍輦曾餘態  
楚曲行雲半損歡  
自是香魂招不得  
舞龍終日報

平安

兵二十八

百花如錦颺晴空一片花飛便不同  
細葉怒生常帶雨柔香狼藉易爲風  
黃鸝日日啼清曉杜宇聲聲怨落紅  
惆悵浮名渾未盡那堪人在別離中

其二十九

共把離觴洛水邊殘英况復夕陽前  
開來飄泊真堪惜落處飛揚不受憐  
尚以芬香供麝句肯

隨鶯燕闕芳年須知四序關春令漫向繁華覓  
靜緣

其三十

花開曾喚曉風吹此夕風狂花不遺自信高華  
絕世帶人憐飄落有新辭枝頭明月烏棲後天  
際輕陰日暮時應是花殘春未盡箇中消息有  
誰知

賜詔紀事用臺公翁葉相公韻

溫諭初下楓金滿百萬欣瞻賜紫貂鸞鶴陳成

青海岸鷲鷲行到玉宸朝華顛老盡幾登重  
首謹應塞馬騎拜罷明恩還手額不知何著僧  
壽遠

其二

近嚮龍亭叩帝簡威儀爭識漢官尊韓公差  
可驚西膽寇準應慚壯北門天覆華一渾布暖  
春回頂踵盡知恩年來戰士無憚人爲訝絲綸  
竟日喧

閱操用程慕韻

霜拂高牙日未移元戎初報六花齊壯餘編具  
登金馬老嚮鈞鈐冠水犀千里陳橫燕市駿三  
槌聲絕漁陽擊憑君好作軍中樂浹月頻看下  
紫泥

和姜孝廉九日觀射

醉倚胡床羽自揮關山笳鼓靜生威黃花插帽  
軍中樂白鴈隨陽塞上飛雅會似憐如舊里風  
埃不分滿征衣好將木葉同懸紙棄韃應看雪

夜歸

殫忠樓四雪貽馬大將軍滄淵

關城五月一登樓  
萬里晴光雪未收  
風雜鶩池  
漣問夜月寒鴨綠  
正乘流  
鬢雲琪樹新  
鶯眼冷  
並疎枝正滿  
頭共擬  
跼焉飛舞意  
伏波新  
鉞待  
封侯

殫忠樓閱雪答幕中諸君子

弄雪晴簷更上樓  
長安遙見浮雲收  
鶴來華表  
憐人語  
唇吐疑城遶  
塞流千里  
輕烟描白髮  
萬  
檣櫓  
玉擁黃頭據  
床忽下陽春曲  
揮羽籥堪傲

武臣

殫忠樓閣雪示諸將

行邊特上震高頭萬里晴光雪未收  
蝶躩千羣同錦練陸離雙劍若星流  
烽高遙辨三城戍月暗還明百尺樓  
開道至尊臨便殿念寒特解紫貂裘

上遣中使出內府甲仗萬有奇  
緞百五十金十萬命之督師府  
酌發官兵以宗特荷鏐  
麟異數恭紀二首

孤劍初分，鷓鴣斑，溫綸頻下。五雲閣併時，寵錫  
還金馬。繡路光華，又玉關散水，偏承濃雨露。新  
亭空對舊河山，極知聖德天同大，可有涓埃  
抵報環。

其二

恩華稠疊，一身輕特道，雙瞻日月。明劍擁蛟螭，  
劉慕氣鼓，翻夔鷖，振天聲。諸君但飲黃龍酒，漢  
室應新白馬盟。莫嚮蟠花，憐舊戟，相看投袂報  
昇平。

平川營示諸將

獵獵牙旌嚮晚分，薄寒衝轡亂重雲。  
草枯平野疾鷹眼，葉落霜颯過鴈羣。  
羽檄乍驚當戶報，胡笳遙隔戍樓聞。  
夜來偶讀東秦語，司馬于今正築勳。

殫忠樓同鹿乾曜杜培亭宋園如程星海

張起問竄次田杜亦河有作

高樓更上一層看，四望渾開大將壇。  
千里金湯黃維嶽，萬方車騎擁雕欄。  
真人氣接塵先靜，猛

七雲飛膽亦寒却憶中山徐太傅獨留兵法嚮  
平蠻

其二

檻外受華手欲拈陣成鴛鴦風簾山屏翠擁  
雲橫寒海帶晴紆日繞檐有客籌邊還借箸無  
眠警夜幾投籤莫須百尺元龍傲信美相看意  
未厭

寧遠聞袁自如憲副至自中右

與爾籌邊再閱年東西烽火尚依然馬頭東下

鞭須着生口西來數未還翠翡幾時方入貢旃  
裘何地可鳴弦知君定發黃公略自昔王師貴  
萬全

春懷八首

塞上春回風日清延耆山下雪花明催歸湯聽  
啼鶻血布穀先傳買鉞聲一道官禪驚射虎兩  
關節鎮聽鳴鶯從來百舌原無吟儘趁東華弄  
晚晴

其二

石門南畔直鷹窩，葆塞紛穉幕多。一柱天  
看白塔，兩庭山界擁紅螺。平蕪千里無芳草，  
澗孤懷有碩。邁都說近年王少，傳行邊投策，  
遼河。

其三

滿城燈火靜胡笳，大將誰堪問室家。南北汎頭  
重夾砦，東西河口對浮槎。霜凋木葉清威遠，日  
壓扶桑映覺華。却羨庭松饒古意，虬枝不下暮  
樓鴉。

其四

春遊不踏藿藜平大壑魚龍夜未驚縣古湯泉  
迷舊壘臺高望海控新旌巖花萬竈歌三月寶  
氣千山到五城寄語燕齊迂惟士休從徐福問  
長生

其五

獵火千羣向曉紅凌河水泮未全通裏龜有意  
戲靈武風鶴無人問八公屬國編弓學漢月上  
林鴻帛繫秋風黃公秘法人間少生口誰憐空

大東

其六

一劍三年萬里心  
天涯芳草又駸駸  
帷中勝決和戎策  
海外疑傳奏凱音  
結市黃金消塞馬  
放衙白髮作書蟬  
羣來玉宇寒應峭  
莫問孤臣半不禁

其七

邊氛頻年入大庭  
獨憐未解與同醒  
襟披海色黏天碧  
旆拔山容插地青  
萬頃冰花浸曉月  
半

泗雲葉護殘星椒盤勝有家園酒觴鼓誰堪襄  
上聽

其八

春光隨馬度關東小隊縱橫意自雄大業古來  
軒較下輕材獨縵啓牀中樓船百道誰先岸車  
騎千羣我旣攻負托有懷渾未効好憑籌略待  
諸公

小閣

小閣沉沉萬事稀石榴瓦鵲競芳菲香和朝嘶

聞聲下影傍  
翠恩帶雨飛  
霽後登核欣  
有托南來繞  
樹豈無依  
亂紅撲地迷  
芳草却羨新  
泥燕  
子歸

夏夜同諸君露坐

高城孤鴈鬪飛霞  
五月秋風攪鬢華  
曲謝莫愁湖上月  
詩慳何遜閣中花  
翹材飽聽三搥鼓  
揖怒驚看一部蛙  
寂是蒲牢聲斷續  
撞殘歸思滿天涯

塞上寄許社丈紫垣兼懷陳阿卿冲然

玄度別來歲月賒  
懷人清夢滿天涯  
榆關自識  
眞人氣粟里  
誰同處士家  
千里雲山閑  
虎落十年風雨憶  
龍華荀家上  
食饒鶩座貫酒  
還堪醉菊花

張忠烈御史祠在遼城南  
謀者云  
殺忠烈時時見忠烈也爲祠

河山千里草離離  
忠烈人傳尚有祠  
兩霽怒蛙陳部鼓  
月明飛鶴繞南枝  
巫問雲出乘馳馬  
華表魂歸聽子規  
可有漢官頻薦藻  
恐從遺像認

咸儀

九日一片石小集

三年三地度重陽佳節東籬憶草堂黃石篋中  
經歲月青松巖下老風霜雲飛獵騎秋潭淨日  
落征鴻塞影長自笑調鷹幾健臂登高仍佩紫  
萸囊

其二

一片石城擁萬家幔亭風雨亂悲笳愁心原自  
全飛鴈詩思還因問晚霞北海尊前啣落日南

山籬下見黃花  
登臨此日多詞客  
湯說龍山有  
孟嘉

寧遠督師府新成適 朝命至鹿司馬有

作答之遂柬馬大將軍

一年兩度入寧陽  
千里重開建節堂  
幾拊春松歌白雪  
還依秋菊傲清霜  
周家大業形弓舊  
漢室元功帶礪長  
宸喜馬隆饒意緒  
偏囑不獨下

西涼

抵寧遠得馬大將軍報

十萬天兵渡海陽元戎開隊更堂堂  
雙隼欲下驚池雪列戟先清鴈  
陣霜一片癡腸堪自信九重籌  
箸竟誰長胡來漫凌延耆水幾  
念征衣試夜涼

同鹿臧方善繼程經幕崙攜兒  
鋤閱清涼寺以王叅將家棟馬  
遊擊燬先驅

策馬登臨海上山到來拾級其躋  
攀石花浸滅殘碑老木葉蕭森  
野逕斑萬里長風初入幕十  
連精放正當闖投鞭自覺塵襟  
快况復清涼俯

碧嶂

閩中右所鹽場

牙旌西駐小沙河結隊時聯碧玉珂萬竈晴烟  
雲自減六花雄陣雪初多作鹽漫笑和羹手拊  
髀誰揮指日戈匹馬長鳴應有意健兒新挽武  
劍過

鹽官說鹽政再用前韻

畧地東來幾渡河顏詹文逕罷鳴珂霜花半拭  
青萍落飛絮偏從細柳多海估已看供貢賦

丁仍自負干戈不知鹽坂息車日可有孫陽向  
此過

中右城得魏道冲信

關山秋盡鴈隨陽  
馬去人閒不下堂  
絕塞獮豸空抱月  
孤城畫角自吹霜  
青天欲問雲霄遠  
白髮還驚歲月長  
漫說安危渾注意  
可從國手試  
温涼

過大嶺用左司馬陳匡左韻有作寄王大

司馬姑雲

帝座雲華散紫宸風烟千里護征輪于今社稷  
勞明主自昔安危寄大臣插羽當關驚伏虎借  
籌開閣幾圖麟側身東望榆山近似說旌旗氣  
色新

兒侄銷視予渝門其歸也用韓韻爲詩

塞上風雲更一天懷人渝水路盈千老臣奏捷  
連三月聖主興平第四年已信人歸落鴈後且  
看別酒向燈前到家寄語同遊侶夜夜同遊綠  
獸邊

孫兒之流之深旋里爲詩仍用韻

紫濛烽火動驚天上將龍城捷幾千祗以拔刀  
看截玉頓令歸旆又經年西園明月層樓上大  
海寒濤小榻前休訝北山猿鶴怨誤將白髮更  
籌邊

過中前所

手札十行下玉京敢從風雪問餘生山川擬識  
新雄要草木仍憐舊姓名百萬遺黎增幾口半  
千殘土痛三城重來急水河邊過父老環車願

致聲

乞歸十上二首

邊城孤月影，脩脩身世重。  
看第六朝，百里青山開綠野。  
幾莖白髮，更丹霄鴛池十萬。  
還驚雪犀甲三千，不射潮逋客。  
有意今十上，敢煩猿鶴若相招。

其二

欲倩丹笻手，自扶誰將魂。  
夢破潛夫潮，回射雪風前。  
絮樓滿，素簫月下蘆。擁劍敢驚身，是膽掛。

簪休愧戟如鬚，寂憐野逸張忠定。老覺臨官氣  
味麤。

初抵里第有作

三十年來白板扉，避賢初向此中歸。犢廬差自  
遮風雨，鶴表何人料是非。客到重門隨幾個，鴈  
還深樹任孤飛。夜闌秉燭饒佳話，怕說霜華上  
鐵衣。

望楞嚴塔

仙掌芙蓉片片鮮，鸚林分綴布金田。根盤大陸

三千界影落長空萬井烟浪說龍標還插地渾  
疑鰲柱可擎天不須近聽風鈴語萬古堯羅一  
指禪

馬蹄河

十里馬蹄水欲滿一篙鷓鴣雨相隨  
枳籬院靜飛蝴蝶蛙窟人間飽肉糜  
官柳飛來愁作絮女桑枯盡髮爲絲  
我來泛宅逃喧者不奈灘聲攪  
夜思

圓頭寺老僧借蜀人故識黃太史

江天渺渺一愁予。臥機來。緡貝葉書到岸有航。  
遲一葦出。門何地。覓三車。舊時梵唄。聞金馬入。  
夜濤聲雜木魚多少。風波眼底過鉢囊。茗枕自  
如如。

其二

布地中流。勝布金波。流面面繞。嬰林野航。漫載  
紅塵入。繚索偏嫌亂水。侵降後蛟龍。渾有兜定  
中鷗鷺。總無心。夜深說法。天花落散。作青蓮滿  
碧潯。

河決訪文鱗于舟子悵然賦之

美人遙在水中央幾采芙蓉遠寄將  
題處千花阿輒後醒來一酌次公狂  
白波灼影吹華髮明月論心醉碧香  
忽憶十年風雨夜長歌秋水向河梁

夜過蒲口

暫解塵纒半日閒片帆小艇弄潺湲  
長裾調笑餘金埒秋葯翽飛鬪玉顏  
酒態偏從烟雨裏詩情半在水雲間  
不知蕉頃玻璃月何似蓬瀛供

奉班

王華亭明府過舟中

欹側葛巾曳薜蘿那堪車騎漫相過  
蟠空鳧鷖驚雲鳥徹底魚龍避玉珂  
馬踏橫塘芳草膩舟維野渡落花多  
人憐茂宰崔秋浦白袷紅顏映碧波

佩水亭四首

靈光十里鬱嵯峩狎鳥看雲輟棹過  
籤軸文華開二酉池塘風色帶三河  
魚牽弱藻浮香遠燕

蕊飛花落照多擬逐清溪尋舊賞無勞清夢繞  
烟波

其二

碧樹青嵐漾彩毫清酣聊復寄風濤天空氣爽  
星河近野曠聲聞鼓角高夢枕乍醒山簡酒醉  
琴初罷漢陰棹橫塘日暮重回首萬里龍津擁  
佩刀

其三

城西日脚空山平小憇心亭暮景清三管好辭

來雨夜四筵妙語挾風聲松翻地籟鶯濤壯河  
佩天神匹練明一飲百觥渾未醉虛檐鐵鳳掠  
人鳴

其四

午夜星河下四筵可堪孤興答雲烟憐君細釀  
長腰米醉我閒釣縮項鱸崗上木奴黃絹在簇  
頭米繭素絲傳一經舊德文孫遠詒燕應拈芭  
水篇

別柴孝廉馨寰

春深三逕草芊芊幾度芳池釣紫烟把袂好攜  
溪上月開尊疑坐鏡中天維譚達曙文心壯劇  
飲兼宵酒態妍便欲拉君同解纜追陪猶傍孝  
廉船

登遂州祐聖觀飲鄭月軒文學次邢士登  
鄭思成兩大夫壁間韻二首

匹馬衝寒古戍隈青陽夾道倚天開層檐下瞰  
三生石覆磴平臨四望臺日落雲霞杯底變夜  
深星月杖頭來陶然共醉雄風裏一夕披襟罨

鍊詩

其二

踏盡雲霄第幾盤紛紛涼月墜雕欄一尊對客  
來何暮萬壑衝襟勢欲攢地面似緣孤客迥酒  
腸聊爲主人寬獨看直北寒雲裏五夜風鳴問  
典冠

再登殫忠樓

以下係已巳再  
出關門之作

四年重上殫忠樓總爲籌邊未籌渝海蛟龍  
渾不夜北山猿鶴湧相求六朝髮老心頭淚萬

國眉攢醉裏愁倚檻一窮千里目不知天地幾  
同仇

讀王太史宮人入道詩

閨苑疎鐘謝景陽八瓊初奏白雲鄉雙瞻尚是  
趨瑤閣合手分明捧玉皇寶笈斗符金鳳字法  
冠鶴佩漢宮粧等閒結得長門月恁取蓬萊伴  
未央

予起家應 召目不交睫者四十日矣偶

夜半襪脫兩足相盪快相得也聞鷄結

被曰不爲例

夜夜分籌到夜分  
鷄聲喔喔舞劉琨  
據鞍自覺忘衰朽  
枕股何時動至尊  
漫比王生方結襪  
却來阮籍笑遊魂  
中原倘得無征戰  
芹曝仍期獻質暄

聞表自如被逮

甘泉烽火徹重憚  
信手提戈護九扉  
一縷癡腸看賜劍  
幾行血淚洒征衣  
風驚鶴表丁威去  
雪滿鴛池中令歸  
聞說長楊枝上鵲  
羞同馬向

塵飛

其二

練爾多方練未成空聞曾銑爾前生快驅五載  
承天語却聞三師傍帝城魏絳倘和原有恨汾  
陽單騎更無兵東江千古英雄手淚洒黃龍半  
不平

己巳嘉平北四日榆關同諸文武祝萬

壽

問夜何其夜未央起來地火着衣裳天威咫尺

違顏遠軼業尋常入手忙  
帝語忠勤慙匪懈  
官家明聖咏無疆  
時艱正倚廢臆力可有虞廷  
一字良

除夕用暮止生韻

誰遣風烟滿四墟  
重來人事幾乘除  
孤城自度  
它鄉歲劫線人看  
舊客裙樓閣髮雲同  
海若問陵華  
祝咏含馨漢家一  
獵空王幕司馬還堪賦  
子虛

除夕再用韻

舊時營壘幾成墟，十古遺。尚未除絕塞風霜。  
堪短鬢故鄉兒女，憶牽裾。身名徐邈隨通介，方  
略管平牛營。入夜海濤還自怒，壯心偏向水  
玄虛。

山海衛城頭用王郎中餉司韻

一笑顏顏爲酒紅，玉關初見慶春風。談來當世  
饒捫虱字寄南林，有慕鴻海上樓臺隨懶慢。意  
中天地幾英雄，城頭壓陣黃雲滿。孤劍猶堪倚

斷虹

答鮮藩使者鄭司憲

朝鮮貢使鄭之羽持平謝予禪忠樓下  
以新  
灤永  
有贈賦此答之

皇輿不散萬方諄銀瑄初懸合有人莫以嚙噉  
識麗句似從箕籟見誠臣低徊風景河山舊遊  
遍交情縞紵新古錦好題黃絹字却嫌多病擾  
閒身

其二

十萬重提老將兵  
籌邊樓下集羣英  
索空南海

言  
傳新語地挾中山表舊營鶴表是非千古恨鷄  
林文字遠人情盈盈衣帶扶桑水不隔周顛告  
太平

駐滄海門人王獻我詩用其韻

纔對天顏別帝宮單車就道學乘驄龍韜盡說  
憂方大颺技能緣數易窮萬壘新軍屯舊野一  
猴孤劍倚長空中原但得絕烽火誰願麟圖論  
上功

其二

誰遣元戎賦小戎老臣承召扞愚忠借籌且漫  
稱開濟緩頰仍先論戰攻邊徼半殘明漢月天  
河一挽洗■風唐家仙李盤根遠莫說中興有  
令公

殫忠樓

小築憑高百尺頭漫從暇日覓銷憂目窮江樹  
家千里笛倚風檐月一鈎藻井暮天開鴈陣髮  
雲結市尖龍湫西山南浦應如許渾作孤襟萬

整秋

其二

層樓高聳建霞標  
極首青天熒更凋  
乍聽風鈴語  
咄咄纔凌雲  
磴氣飄飄  
花開幸樹歌  
初發草  
滿春池  
夢已銷  
西望晴行高  
不極故園鷗  
驚喜  
相招

聞簫用韻

抵關城來日聞笳鼓  
卽關人無復生趣  
近稍復業而頓若不知有它  
警偶聞簫聲爲快更足念也

落日關山相與清  
何來清絕更蕭聲  
夢回楚壁鶴初過  
月到秦臺鳳自鳴  
豈爲吳越開遠興  
似將幽咽寫孤征  
年來未洗繁囂耳  
笳鼓愁中感慨生

南山

山在邑東南九十里寄益都境古鐵冶處有神祠曰構鐵牛者後魏鹿念討清河賊于山有盤龍山有鐵牛峰有蓮花洞有金山祠有鐘神祠在絕頂傍有聖

水泉志云奇峰晴嵐四時皆佳至雪霽  
後則千巖簇玉萬樹縷瓊宛然天開圖  
畫也

高山遙望餘三舍倚郭分封定幾年高下桑田  
歲大麓東南農儲認平田構牛鐵冶蓮花洞司  
馬金戈聖水泉獨有晴峰峰上雪楷願猶許借  
虛檐

小清河

濟水之小支山一濟之源爲濼合七上二

泉而東入大目分一支經章丘  
沙三河紅柳下長山新城入邑  
鬼頭岔河是爲小清河孝婦河東  
興又東北至樂安馬車入海歲久河  
淤而鄉或爲壑志曰濟水明霞特以  
游致云耳

顧清門外水潏潏分得齊南玉一灣過客風梳  
天遠近親人魚鳥月關山烟葉樓雨孤城曉石  
鬢衝波老樹閒且任整舟橫野渡誰調人瘼粟

寢班

靈侯祠

志云周厲王三諫官也廢而客吳後而  
按究宋碑云死墻有祠榜曰吳客三將  
軍又稱朝廷初復燕芻藁未征轉餉之  
役旁遠東州而陰相之遂以上聞額祠  
曰威祐意童貫媼相爲之至祥符從空  
而下則樞密欽若神道設教耳復燕在  
政和間第未詳何以歷歷三靈與俱而

又何以俱有高丘於邑志題靈廟遺忠  
蓋有遺直之思云

兩水清潯何代丘祁連佳氣鬱靈湫一朝河閭  
鳴三鳳千古高城有列侯野老誰從古伏臘寒  
鴉自認舊松楸不緣大義流風遠那得郤秦更  
佐周

孝婦河

河在邑西南七里蓋顏文姜籠蓋水也  
合小清而東近頗有溢慮予謂華悅而

感天爲泉感地爲河至以名鎮名水孝  
之日與地天無窮也予祝顏神曰慎事  
姑無令歲發籠蓋也志云籠河播孝

花城南畔錦爲湖籠水千年開畫圖河潤有天  
憐潦室海田何地問麻姑銀床水淀芙蓉冷素  
縷風絲楊柳枯爲語少君提麈後等閒休弄籠  
頭盃

古狄城

在邑西北三里許長堤如帶地腴而潤

父老曰此古狄城也志稱桃李桑麻備  
盈春一雨餘凭高奇眺泱泱大國之風猶  
有存者題曰狄城春雨

西北狄城古野邊長堤曲曲宛虹連地環積水  
龍蛇遼天擎高原日月偏桃李千家花是縣桑  
麻合壠海爲田獨憐杼軸東空日攬結河山意  
惘然

### 靈異臺

臺高二丈許在郭東稍北巋然平楚中

傳曰靈異也有玉皇閣俯城郭四顧軒  
敞當秋霄月上把酒凭欄一瞬千里勢  
盡青徐志侈爲勝槩云

天苑風華秋自開挈壺東眺集靈臺一方海岱  
排青下千里淮徐入望來聚遠雲寒鴻沒滅凌  
空水遠月低徊兼夷苦憶夷吾手縱以兵車亦  
在哉

錦秋浦

此麻大泊也邑典新傳共之一名官湖

亦曰魚龍灣周可五六十里志曰浦鏡  
魚藕士人競操舟取之每漬白菰綠雨  
歇烟消欵乃之聲響窮水際蘇子瞻云  
霜風收綠錦萬頃水雲秋特以名浦而  
題曰南浦魚歌

學數天涯未豁襟偶從錦浦伴行吟  
布帆風滿雲千里靜練春寒月一林  
醉聽黃鸝呼柳絮坐看白鷺點秋  
鍼揚舠莫壓星河影怕有光明  
鏡  
碧潭

高節書院

在城西王里有魯先生墓蓋邑人稱周  
高士魯仲連也王孝廉之翁以父兄命  
爲先生祠及講堂有祭田學憲鄒穎泉  
題曰高節書院予過而僅慨古墟也晤  
孝廉念高節謂當有祠以養士高節而  
孝廉始談其世誼志曰古墟牧唱徒雍  
門之慨耳孝廉名道泰其兄道平登辛  
丑第父士尚官鴻序有文章

春秋志在夷吾老誰把尊周問赤濱海岱高深  
鍾大地乾坤紛難屬閒身千金豈謂能辭趙六  
國合應不帝秦最喜漢家赤帝子先從圖籍慰  
斯人

過田鎮

齊王橫故居也尚有裔姓在橫慷慨數  
語大有英雄氣三千年尚得以姓予鎮  
也過而吊之

王孫芳草徧齊中故國猶傳結客功百戰功成

羞馬上萬人敵在負江東宗人不借循城氣高  
士空留蹈海風漫說漢家封齒意侯王那得賺  
英雄

隘園六首

側身東望宛墻東離緒紛披杯酒中排悶尚嫌  
羣說恠問奇無復更談空島中雲霧千山暗海  
上舳艫萬里通便欲尚書尋舊鳥凌霄一問大  
齊風

兩地高城去幾何，小園終日倚城阿。  
繁華露冷迎金素，芳草雲深隱玉珂。  
半醒春易老，一觴一詠客頻過。  
青蘋剩有名，曠曠幾隨泱泱表。  
海歌

其三

百花簇簇擁高亭，秋色仍堪貯一庭。  
莫以時危輕說劍，祇緣多難罷談經。  
萬家井牧人占兩，百里郎官自列星。  
東去不愁東道主，更看嘉績奏新劄。

其四

名姓那堪上玉墀  
應緣戎馬又離披  
秋聲着樹愁難賦  
月色窺庭剩有詩  
白髮從新凋木葉  
碧雲依舊上花枝  
小清河水平如許  
莫向波臣問水涯

其五

層樓矗矗帝城闔  
人境結廬却謝人  
雨到今來寧有客  
地容署外尚留身  
樹迎秋色蟬方急  
花受輕颺鳥亦新  
自是謝庭饒玉樹  
不妨野水有

垂綸

其六

乾坤落落此孤亭  
清夢分明說舊經  
志士自慙悲驥老  
弋人誰復慕鴻冥  
夏雲列隊花千樹  
秋露一團月滿庭  
語爾官家清絕意  
萬波心水湧寒星

適園八首

近遊幾擬近城隈  
選勝軒從此地開  
樹蔭北窻低亦入  
山街西日遠還來  
雲晴馬耳清當眼  
月

冷簷牙靜落杯我有太平書未奏聊隨同學咏  
康哉

其二

便從百里越城闔日涉應知未厭頻返照入林  
還避影纖阿當戶欲窺人丹丘不問樓臺地綠  
野聊清車馬塵受客可能文字飲西園飛蓋莫  
須論

其三

山自昔青當眼近野于今綠有軒咫尺塵埃

還謝客尋常花鳥一閒尋遺風留在乾坤老全  
兩應無車馬喧寂喜閒身饒盛會閒中忍不念  
君恩

其四

苑邊西北狀元祠博學仙才自一竒道啓八英  
才子地天當五百聖明時好從攬結窺真宰肯  
向蟲魚注瑣辭却惟世人然姓字都從曩鉢覓  
摩尼

其五

九曲三河馬水濱山中結構草亭新地當近市  
三朝盛花壓高城百里春丹白合粵傳佛柰八  
千雙引咏莊椿名園休問張丞相曠適于今有  
幾人

其六

每從緩步拉同人特結茅亭坐負闔白板扉  
飛燕雀紫荊花外臥龍鱗江山自是饒風月  
今古誰堪認主賓小樹如齊人未老休將籬  
壁誤  
良辰

其七

一亭特結西園客，滿座翻疎北海杯。  
不是當車難緩步，祇緣多落易紛挨。  
種花自湊河陽勝，增竈人傳虞詡來。  
幾咏杜陵真切句，安危須仗出羣材。

其八

閒身獨坐澗槃邊，報客應知二仲過。  
人境寂喧濠上樂，世情今舊雨中歌。  
幾番醒醉隨花老，一局高低入夏多。  
忽漫當杯生世念，中原戎馬近

如何

謙美堂十首

一雨中原快臥龍，烟霞作色上芙蓉。  
座驅殘客人三逕，圖上流民天九重。  
當急持籌難借箸，登臨安步未須筇。  
閒身儘可閒歌咏，只是甘泉有警烽。

其二

春老閉門草正肥，泥融金井燕雙飛。  
年來髣髴心先短，眼底交遊近更稀。  
不爲乍晴扶塾角，每

綠多難賦無衣西園昨夜梨花歸醉拉同人佩  
月歸

其三

獨坐剛詩詩未成望簷两个鼓成聲不緣聞字  
能驚座要使三槌說禰衡代雨催花覺更緩迴  
風隨棹意還平盧龍幕府元戎夜曾聽霜宵天  
鼓鳴

其四

萬家砧杵動秋思又聽鳴蟬上舊枝暑溽尚嫌

風力嫩碩寬偏眺夏雲奇無絃不問琴三弄有  
客還遊酒一卮人夜挑燈渾未憇諸郎應訓奏  
新詩

其五

攤書獨坐擬秋風挾雨當秋風更雄雨喜魚龍  
渾不夜風掀燕雀舞晴空崑源未問八天柱澤  
國先調一畝宮笑向均堂成底事要墮靈約論  
元功

其六

秋空片片湧寒雲坐對西屏日未曛乳燕愛晴  
還自語羣魚浮水總成文三農慰滿魚龍夜下  
空欲蠶草未欣但使諸公憂社稷不嫌戎服有  
親軍

其七

高城風色護層樓雲葉垂垂雨欲流地缺龍頭  
插晚種天開屋脊課鳴鳩豚魚百室償奢願板  
築頻年礙野謀倘得四郊培壘盡何妨樂潤更  
先憂

其八

甕城如甕傍城隈四角城仍四角開三水遠從  
百里下千山高向九衢迴痺人自費龔黃力清  
甲誰當衛霍材聞說至尊勤遠略遍從關隘起  
樓臺

其九

自緣齒至老蓬蒿敢以羊裘傲錦袍邱報傳來  
心已短舊遊說到氣仍豪閒身差可隨陽鷺病  
眼誰堪見節旄清夜幾行憂國淚不禁狂醉

離騷

其十

百花灼灼散經處  
風雨應憐客憶家  
城上輕陰草樹微  
樓邊新燕水雲賒  
明農赤舄方遵陸  
學圃青門合有瓜  
湯簡尚方雙屐在  
半干王路是天涯

次友人韻

三妙先驅下草萊  
雨師先爲洒浮埃  
地寬剩得城頭月  
碑餽祇留石上苔  
到處清樽同酒趣  
投

來白雪見仙才應門初下雙乾鵠幾報花間小  
駭來

諸將

方州結鎮拱陵城千古新昌舊有名當日文  
星開大業祇今明聖宿雄兵漫驚倚嘯憐江  
統且著揮鞭問祖生饑搜飽颺豪手在不妨公  
等奏昇平

其二

山窮瀚海跨島深北斗南極  
通宵戲難登

南地邊疆軍盡掉侍中詔九重密切開清  
古後恩權翠管爲語織成讀實訓從來英各是  
清廟

白燕

幾點綃痕碎荔墻浪從蝶粉闌羣芳撥衣玉  
花俱亂調語珠簾夢亦涼斜受輕風粉落素低  
隨明月下流英飛瑞弄玉渾無事怕舞霓裳妬  
海棠

孫男之滂緜次

高陽集詩

卷之五

五